

REUNIÓN DA COMISIÓN 8ª, PESCA E MARISQUEO

Día: 16.11.2018 Hora: 10:30

A Comisión 8ª, Pesca e Marisqueo, da que vostede forma parte, reunirse o próximo día 16 de novembro de 2018, ás 10:30 horas, no pazo do Parlamento.

A orde do día é a seguinte :

Punto único: Preguntas

- 1.1 36635 (10/POC-005825)
Grupo Parlamentario Popular de Galicia
Egerique Mosquera, Teresa e 6 máis
Sobre o contido das axudas convocadas pola Consellería do Mar, para o ano 2018, con destino ás confrarías de pescadores para a rexeneración dos bancos marisqueiros, a evolución que presentan nos últimos anos os espazos recuperados para o marisqueo e os obxectivos que está a valorar a Consellería do Mar ata o ano 2020
Publicación da iniciativa, BOPG n.º 359, do 20.09.2018
- 1.2 36639 (10/POC-005829)
Grupo Parlamentario Popular de Galicia
Egerique Mosquera, Teresa e 6 máis
Sobre as medidas adoptadas pola Xunta de Galicia para potenciar o cultivo de mexillón, reforzando a súa rastrexabilidade e favorecendo a innovación no sector, de xeito que lle permita un óptimo aproveitamento dos fondos FEMP
Publicación da iniciativa, BOPG n.º 359, do 20.09.2018
- 1.3 38025 (10/POC-005998)
Grupo Parlamentario dos Socialistas de Galicia
Otero Rodríguez, Patricia e Toja Suárez, María Dolores
Sobre as previsións do Goberno galego referidas á impartición de certificados de profesionalidade marítimo-pesqueira na Mariña lucense, a organización dos cursos precisos e a creación dunha escola con ciclos formativos na materia, así como o estudo da posibilidade de ofertar a formación profesional dual desa rama na comarca
Publicación da iniciativa, BOPG n.º 368, do 10.10.2018
- 1.4 38575 (10/POC-006058)
Grupo Parlamentario de En Marea
Quinteiro Araújo, Paula e 2 máis
Sobre a valoración e as actuacións previstas polo Goberno galego en relación coas condicións laborais e salariais existentes no sector da conxelación e refrixeración dos produtos do mar

Publicación da iniciativa, BOPG n.º 371, do 16.10.2018

- 1.5 39103 (10/POC-006131)
Grupo Parlamentario do Bloque Nacionalista Galego
Prado Cores, María Montserrat e 5 máis
Sobre as demandas realizadas ou previstas pola Xunta de Galicia, diante da Comisión Europea e da Comisión de Pesca do Parlamento Europeo, en relación coa reforma do regulamento referido aos Fondos europeos do mar e da pesca, FEMP, e coa defensa da pesca artesanal galega, así como a súa opinión respecto das modificacións que se deben introducir
Publicación da iniciativa, BOPG n.º 375, do 24.10.2018
- 1.6 39183 (10/POC-006145)
Grupo Parlamentario de En Marea
Torregrosa Sañudo, Julia e 2 máis
Sobre as actuacións previstas pola Xunta de Galicia para arranxar a situación de parálise na que se atopa o proxecto de ampliación do Colexio Xulio Camba, no concello de Vilanova de Arousa
Publicación da iniciativa, BOPG n.º 378, do 31.10.2018
- 1.7 39385 (10/POC-006178)
Grupo Parlamentario dos Socialistas de Galicia
Toja Suárez, María Dolores e Otero Rodríguez, Patricia
Sobre a valoración do Goberno galego en relación co nivel de utilización que presentan os contratos menores na contratación de obras por Portos de Galicia nos anos 2016 e 2017, as razóns da elección deste modelo de contratación e as previsións ao respecto
Publicación da iniciativa, BOPG n.º 378, do 31.10.2018

O que lle comunico para o seu coñecemento e a súa convocatoria á devandita reunión.

Santiago de Compostela, 12 de novembro de 2018

Marta Rodríguez Arias
Presidenta da Comisión

Asinado dixitalmente por:

Marta Rodriguez Arias na data 12/11/2018 12:44:26

RELACIÓN DE MEMBROS DE **COMISIÓN 8ª, PESCA E MARISQUEO**

POR ORDE ALFABÉTICA

Mesa

Presidenta

Marta Rodríguez Arias

P

Vicepresidente

José Alberto Pazos Couñago

P

Secretaria

Julia Torregrosa Sañudo

EM

Vogais

Teresa Egerique Mosquera

P

Martín Fernández Prado

P

María Ángeles García Míguez

P

Patricia Otero Rodríguez

S

María Montserrat Prado Cores

BNG

Paula Quinteiro Araújo

EM

María Soraya Salorio Porral

P

María Dolores Toja Suárez

S

Daniel Vega Pérez

P

Reunión da Comisión 8ª, Pesca e Marisqueo

Día: 16.11.2018 Hora: 10:30

Orde do día

1. Preguntas

Reunión da Comisión 8ª, Pesca e Marisqueo

Día: 16.11.2018

Hora: 10:30

Orde do día

1.1 36635(10/POC-005825)

Grupo Parlamentario Popular de Galicia

Egerique Mosquera, Teresa e 6 máis

Sobre o contido das axudas convocadas pola Consellería do Mar, para o ano 2018, con destino ás confrarías de pescadores para a rexeneración dos bancos marisqueiros, a evolución que presentan nos últimos anos os espazos recuperados para o marisqueo e os obxectivos que está a valorar a Consellería do Mar ata o ano 2020

Publicación da iniciativa, 359, 20.09.2018



**GRUPO PARLAMENTARIO
POPULAR DE GALICIA**



**PARLAMENTO DE GALICIA
REXISTRO XERAL ENTRADA
Data asento: 13/09/2018 10:09
Nº Rexistro: 36635
Data envío: 13/09/2018 10:09:58.580**

A Mesa do Parlamento

Teresa Egerique Mosquera, Marián García Míguez, Martín Fernández Prado, Alberto Pazos Couñago, Marta Rodríguez Arias, Soraya Salorio Porral e Daniel Vega Pérez, deputadas e deputados do **Grupo Parlamentario Popular de Galicia**, ao abeiro do disposto no artigo 152 e concordantes do Regulamento da Cámara, presentan ante esa Mesa, a seguinte **pregunta para a súa resposta oral na Comisión 8ª, Pesca e Marisqueo**.

Todos sabemos que o marisqueiro é un sector de grande importancia para as localidades costeiras galegas, que aporta importantes beneficios ás economías locais.

O DOG publicaba o pasado 9 de febreiro unha convocatoria de axudas para a rexeneración de bancos marisqueiros, a disposición daquelas confrarías de pescadores que o soliciten.

Somos conscientes que para este Goberno é unha prioridade aumentar a superficie dos nosos bancos así como mellorar a calidade das augas para acadar unha mellora nas zonas de produción.

De feito, a Conselleira visitou varios bancos marisqueiros, como por exemplo en Redondela ou en Camariñas, para coñecer de primeira man estas labores de rexeneración que, con axudas públicas da Consellería do Mar, levan a cabo os pósitos e asociacións de mariscadoras.

Por todo elo, os deputados asinantes, formulan as seguintes preguntas:

1. En que consisten estas axudas recentemente publicadas no DOG para a rexeneración de bancos marisqueiros?
2. Cal é a evolución nos últimos anos dos espazos recuperados para o marisqueo?
3. Que obxectivos baralla a Consellería do Mar de aquí a 2020?

Santiago de Compostela, 13 de setembro de 2018

Asinado dixitalmente por:

Teresa Egerique Mosquera na data 12/09/2018 14:34:32

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com



**GRUPO PARLAMENTARIO
POPULAR DE GALICIA**



**PARLAMENTO DE GALICIA
REXISTRO XERAL ENTRADA
Data asento: 13/09/2018 10:09
Nº Rexistro: 36635
Data envío: 13/09/2018 10:09:58.580**

María Ángeles Garcia Míguez na data 12/09/2018 14:34:40

Martín Fernández Prado na data 12/09/2018 14:34:46

Alberto Pazos Couñago na data 12/09/2018 14:34:54

Marta Rodríguez Arias na data 12/09/2018 14:35:01

María Soraya Salorio Porral na data 12/09/2018 14:35:09

Daniel Vega Pérez na data 12/09/2018 14:35:15

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com

Reunión da Comisión 8ª, Pesca e Marisqueo

Día: 16.11.2018

Hora: 10:30

Orde do día

1.2 36639(10/POC-005829)

Grupo Parlamentario Popular de Galicia

Egerique Mosquera, Teresa e 6 máis

Sobre as medidas adoptadas pola Xunta de Galicia para potenciar o cultivo de mexillón, reforzando a súa rastrexabilidade e favorecendo a innovación no sector, de xeito que lle permita un óptimo aproveitamento dos fondos FEMP

Publicación da iniciativa, 359, 20.09.2018



GRUPO PARLAMENTARIO
POPULAR DE GALICIA



PARLAMENTO DE GALICIA
REGISTRO XERAL ENTRADA
Data asento: 13/09/2018 10:10
Nº Rexistro: 36639
Data envío: 13/09/2018 10:10:59.846

A Mesa do Parlamento

Teresa Egerique Mosquera, Marián García Míguez, Martín Fernández Prado, Alberto Pazos Couñago, Marta Rodríguez Arias, Soraya Salorio Porral e Daniel Vega Pérez, deputadas e deputados do **Grupo Parlamentario Popular de Galicia**, ao abeiro do disposto no artigo 152 e concordantes do Regulamento da Cámara, presentan ante esa Mesa, a seguinte **pregunta para a súa resposta oral na Comisión 8ª, Pesca e Marisqueo**.

O Mexillón de Galicia (*Mytilus galloprovincialis*) é un molusco bivalvo que presenta unha característica forma lonxitudinal de machada, en punta e grosa no extremo anterior, e longa moi afiada no posterior. A súa cuncha está formada por dúas valvas iguais de carbonato cálcico, cubertas externamente por unha capa de cor negro azulado, onde se poden observar unhas liñas concéntricas denominadas estrías de crecemento.

A vinculación de Galicia co mexillón é un feito do que se teñen noticias dende as primeiras poboacións celtas e romanos, tamén no século XVIII, cando partían dende as rías galegas con destino á corte dos Austrias pequenos barrís de ostras e mexillóns, somerxidos en “escabeche real”. Pero foi en 1945 cando se fondea a primeira batea, comezando así o cultivo do mexillón, e que se ten convertido ademais na nosa acuicultura máis importante, porque cando dicimos acuicultura, estámonos a referir a que na actualidade, o sector do mexillón, dentro do eido da acuicultura galega, configura un conglomerado de empresas produtoras, transformadoras e comercializadoras que aportan un total de 400 millóns de euros, xerando máis de 10.000 postos de traballo no litoral galego.

En febreiro deste ano, a Secretaria Xeral de Pesca participaba en Bruxelas nun foro sobre acuicultura na Unión Europea, onde compartiu experiencias con representantes doutras administración dos distintos Estados Membros xunto a científicos e investigadores, no que abordaron exemplos de boas prácticas no eido da acuicultura, e tamén as necesidades e retos da actividade na UE.

Galicia aportou o seu saber no ámbito do mexillón, destacando o seu potencial.

Por todo o anterior, os deputados asinantes, formulan a seguinte pregunta en Comisión:

Que medidas ten tomado a Xunta de Galicia para potenciar o cultivo de mexillón reforzando a súa trazabilidade e favorecendo a innovación neste sector que lle permita un óptimo aproveitamento dos fondos FEMP?

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com



**GRUPO PARLAMENTARIO
POPULAR DE GALICIA**



**PARLAMENTO DE GALICIA
REXISTRO XERAL ENTRADA
Data asento: 13/09/2018 10:10
Nº Rexistro: 36639
Data envío: 13/09/2018 10:10:59.846**

Santiago de Compostela, 13 de setembro de 2018

Asinado dixitalmente por:

Teresa Egerique Mosquera na data 13/09/2018 09:29:04

María Ángeles Garcia Míguez na data 13/09/2018 09:29:15

Martín Fernández Prado na data 13/09/2018 09:29:21

Alberto Pazos Couñago na data 13/09/2018 09:29:29

Marta Rodriguez Arias na data 13/09/2018 09:29:36

María Soraya Salorio Porral na data 13/09/2018 09:29:43

Daniel Vega Pérez na data 13/09/2018 09:29:50

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com

Reunión da Comisión 8ª, Pesca e Marisqueo

Día: 16.11.2018

Hora: 10:30

Orde do día

1.3 38025(10/POC-005998)

Grupo Parlamentario dos Socialistas de Galicia

Otero Rodríguez, Patricia e Toja Suárez, María Dolores

Sobre as previsións do Goberno galego referidas á impartición de certificados de profesionalidade marítimo-pesqueira na Mariña lucense, a organización dos cursos precisos e a creación dunha escola con ciclos formativos na materia, así como o estudo da posibilidade de ofertar a formación profesional dual desa rama na comarca

Publicación da iniciativa, 368, 10.10.2018



Á Mesa do Parlamento

Patricia Otero Rodríguez e María Dolores Toja Suárez, deputadas pertencentes ao Grupo Parlamentario dos Socialistas de Galicia, ao abeiro do disposto no artigo 152 do Regulamento da Cámara, presentan ante esa mesa a seguinte pregunta para a súa resposta oral na Comisión 8ª.

O sector pesqueiro da Provincia de Lugo é un dos principais motores económicos da Comarca da Mariña, onde se atopan dous dos portos máis grandes de Galicia : Burela e Celeiro, sen esquecer ó resto de portos da Comarca: Ribadeo, Foz, San Cibrao e O Vicedo.

Burela e Celeiro destacan, no só polo volume de vendas das súas lonxas, senón tamén pola súa importante flota, no que hai que salientar o elevado número de buques de gran tonelaxe, moitos deles faenando en augas internacionais e comunitarias, o que implica a necesidade de maior número de titulados náuticos-pesqueiros, así como un maior nivel de formación.

A demanda de persoal con formación para o sector pesqueiro vai en aumento e, como podemos ver no informe do SEPE do 1º, 2º e 3 trimestre do ano 2018 en Lugo, dentro das ocupacións de difícil cobertura a maioría destas son de profesionais do mar, pero non se trata dunha necesidade puntual senón que se mantén no tempo como se pode comprobar ao ver o histórico destes informes.

As actividades en materia educativa están transferidas á Comunidade Autónoma de Galicia segundo Real decreto 523/2006 do 5 de maio (BOE n.º 123 do 24 de maio).

Se analizamos a oferta de formación para titulados de Ponte e Máquinas en Galicia, vemos que contamos cun centro de FP, onde se imparten ciclos da familia Marítimo-Pesqueira, todos eles nas provincia da Coruña e Pontevedra.

Os certificados de profesionalidades regulados polo RD 34/2008, do 18 de xaneiro, son o instrumento de acreditación oficial das cualificacións profesionais do Catálogo Nacional de Cualificacións Profesionais no ámbito da Administración laboral.



Acreditan o conxunto de competencias profesionais que capacitan para o desenvolvemento dunha actividade laboral identificable no sistema produtivo sen que iso constituía unha regulación do exercicio profesional.

Teñen carácter oficial e validez en todo o territorio nacional e son expedidos polo SEPE e os órganos competentes das CCAA.

Debemos de ter en conta tamén que os profesionais do mar deben de contar cos certificados de especialidade, que teñen por obxecto completar ou perfeccionar a formación en determinados temas relativos á seguridade ou habilitar para exercer determinadas funcións ou especialidades nos buques. Trátase de cursos, que unha vez realizados, tamén deben de ser actualizados periodicamente.

A Orde do 31 de xullo de 2014, pola que se establecen as bases e se regula o procedemento para a obtención das titulacións de mariñeiro/a, pescador/a, patrón/oa local de pesca e patrón/oa costeiro/a polivalente da Comunidade Autónoma de Galicia, establece no seu artigo 2 que a autorización, organización, seguimento, control e avaliación dos cursos e actividades formativas reguladas nesta orde, correspóndelle á Consellería en materia de pesca a través da Dirección Xeral con competencias en materia de ensino náutico e marítimo-pesqueiro.

Así mesmo, a disposición derradeira primeira desta orde faculta á Dirección Xeral con competencias en materia náutico e marítimo-pesqueira para ditar as disposicións necesarias para o seu desenvolvemento.

A Resolución do 15 de setembro de 2016 da Dirección Xeral de Desenvolvemento Pesqueiro, establece a modalidade de Teleformación para a obtención da titulación profesional náutico-pesqueira de mariñeiro-pescador.

Se nos centramos na situación da formación Náutico-Pesqueira na Mariña lucense a situación é penosa, posto que:

- 1.- Non existe ningún centro que imparta Formación Profesional da familia Marítimo-Pesqueira, concentrándose todas as escolas nas Provincias da Coruña e Pontevedra.
- 2.- Non se está impartindo na actualidade ningún Certificado de Profesionalidade do sector na Comarca da Mariña.
- 3.- Hai anos na Delegación de Pesca de Celeiro levábanse a cabo cursos que agora desapareceron. Algúns dos cales se están a organizar a través de academias privadas.



PARLAMENTO DE GALICIA
REGISTRO XERAL ENTRADA
Data asento: 03/10/2018 10:38
Nº Rexistro: 38025
Data envío: 03/10/2018 10:38:21.242

4.-A infrautilización do centro Vicente Gradañlle de Celeiro, da Confraría de Pescadores de Celeiro, homologada pola Dirección de Mariña Mercante na Resolución do 14 de agosto de 2003.

5.- No caso de acceder á teleformación ofertada pola Consellería do Mar, deben desprazarse ás provincias da Coruña e Pontevedra para a realización dos exames presenciais.

6.- A oferta formativa, que case se pode definir como nula na comarca, obriga incluso a ter que realizar ou revalidar os cursos fóra da nosa Comunidade Autónoma, co conseguinte custo económico e co agravante da falla de tempo dos traballadores do mar, sobre todo no caso da pesca de altura onde deben de quedar en terra unha marea, para poder acceder a eses cursos sen os cales non poderían embarcar.

A pesar da importancia do sector pesqueiro na provincia de Lugo e a necesidade de persoal con titulación marítimo-pesqueira para cubrir a demanda da flota da Mariña lucense e garantir o relevo xeracional, a oferta formativa existente é non só insuficiente senón que supón un agravio comparativo co resto das provincias costeiras de Galicia.

Por iso as deputadas que asinan formulan as seguintes preguntas:

1ª) Ten pensado o Goberno galego impartir certificados de Profesionalidade marítimo-pesqueira na Mariña lucense, se for o caso, en que prazo?

2ª) Ten previsto o Goberno galego organizar os cursos precisos para a adquisición e revalidación de competencias necesarias, se é o caso, en que prazo?

3ª) Te previsto o Goberno galego a creación na Mariña lucense dunha escola que imparta ciclos formativos en materia marítimo-pesqueira, en grados básico, medio e superior, de se dar o caso, en que prazo?

4ª) Ten previsto o Goberno galego estudar a posibilidade de que se imparta FP Dual da familia Marítimo-Pesqueira na Mariña Lucense, se é o caso, en que prazo?

Pazo do Parlamento, 3 de outubro de 2018

Asinado dixitalmente por:

Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tf: 981 551 530 · gp-socialista@parlamentodegalicia.es



PARLAMENTO DE GALICIA
REGISTRO XERAL ENTRADA
Data asento: 03/10/2018 10:38
Nº Rexistro: 38025
Data envío: 03/10/2018 10:38:21.242

Patricia Otero Rodríguez na data 03/10/2018 10:35:08

María Dolores Toja Suárez na data 03/10/2018 10:35:17

Reunión da Comisión 8ª, Pesca e Marisqueo

Día: 16.11.2018

Hora: 10:30

Orde do día

1.4 38575(10/POC-006058)

Grupo Parlamentario de En Marea

Quinteiro Araújo, Paula e 2 máis

Sobre a valoración e as actuacións previstas polo Goberno galego en relación coas condicións laborais e salariais existentes no sector da conxelación e refrixeración dos produtos do mar

Publicación da iniciativa, 371, 16.10.2018

Á MESA DO PARLAMENTO

Paula Quinteiro Araújo, Manuel Lago Peñas e Julia Torregrosa Sañudo, deputadas e deputado do Grupo Parlamentar de **En Marea**, ao abeiro do disposto no artigo 156 do Regulamento da Cámara, presenta a seguinte **Pregunta para a súa resposta na Comisión 8.ª**.

A situación das traballadoras e traballadores do sector dos produtos do mar con procesos de conxelación e refrixeración está marcada pola precariedade e polos baixos salarios. A pesar de que a industria de transformación de produtos derivados do mar é unha das máis importantes do noso país, que ten o peso maioritario do sector a nivel estatal. Hai que ter presente que o 75% do sector se atopa en Galiza e que a súa patronal maioritaria ten sede en Vigo.

O convenio estatal de produtos elaborados do mar con procesos de conxelación e refrixeración, que expirou en 2015, marca unhas condicións que deben mellorarse de inmediato, xa que se trata dun dos máis precarios de todo o ámbito da alimentación, con xornadas laborais superiores ás 40 horas semanais, salarios que superan escasamente os 800 euros mensuais de media e cuns ritmos de produción moi altos.

A precariedade incide especialmente coa extensión de formas de subcontratación que implican recorte de dereitos. Así, o traballo temporal está cada vez máis presente no sector, coa implantación de novas fórmulas abusivas como as empresas multiservizos ou as falsas cooperativas. Nalgúns centros de traballo é moito maior a porcentaxe de traballadores de ETT que os contratados pola empresa principal.



A negociación do convenio leva anos paralizada, xa que a patronal négase a atender as reivindicacións dos traballadores e traballadoras. Unhas reivindicacións tan básicas coma que se contabilice o tempo de descanso para a comida como tempo de traballo, uns 20 minutos que si se contabilizan noutros convenios colectivo. Resulta inadmisibile tamén que se continúe sen pagar o plus de nocturnidade ás traballadoras que realizan este traballo en horario nocturno.

Polo tipo de actividade, este sector presenta grandes riscos para a saúde e a seguridade das traballadoras, que se ven cada día expostas a unha longa lista de ameazas asociadas a diferentes procesos: uso de ferramentas afiadas, frecuente contacto coa auga na propia actividade do manipulado, traballo en pavimentos e superficies esvaradizas, continua exposición ao frío, ambientes moi húmidos. Agravado todo elo por uns ritmos de traballo a velocidades de vertixe.

É por iso que se reivindica un plus de refrixeración.

Ademais, as actuais táboas salariais están por debaixo dos 14.000 euros anuais que fixa o Acordo Estatal de Negociación Colectiva asinado este ano. As traballadoras levan vendo desde o 2010 como vai diminuíndo o seu poder adquisitivo, ao non acadar sequera o incremento do IPC . Perante esta situación, nas negociacións do novo convenio a patronal do sector non ofertaba ningunha cláusula de revisión salarial, senón subidas por debaixo do IPC.

Por todo o anterior, preséntanse as seguintes Preguntas:

1. Vai actuar decididamente a Xunta de Galicia para favorecer un acordo, entre sindicatos e patronal no sector de produtos elaborados do mar con procesos de conxelación e refrixeración, que mellore os salarios, a calidade do emprego, as condicións de traballo e limite o abuso da subcontratación a través dun convenio colectivo que actualice o contido do vixente na actualidade?



PARLAMENTO DE GALICIA
REXISTRO XERAL ENTRADA
Data asento: 11/10/2018 12:35
Nº Rexistro: 38575
Data envío: 11/10/2018 12:35:16.440



2. Como valora a Xunta de Galicia as condicións salariais e laborais das traballadoras deste sector?
3. Ten previsto impulsar actuacións da inspección de Traballo para investigar negligencias nas condicións de traballo que supoñan riscos para a saúde das traballadoras?
4. Vai avaliar a posibilidade de realizar estudos sobre as condicións laborais neste sector, atendendo á existencia de riscos laborais con consecuencias na saúde das traballadoras?
5. Están previstas intervencións da inspección de traballo para analizar os niveis excesivos de subcontratación?
6. Que medidas vai tomar para evitar a extensión da precarización e o deterioro nas condicións laborais das traballadoras e traballadores deste sector?

Santiago de Compostela, 11 de outubro de 2018.

Asdo.: Paula Quinteiro Araújo

Julia Torregrosa Sañudo

Manuel Lago Peñas

Deputadas e deputado do G.P. de En Marea-

Asinado dixitalmente por:

Paula Quinteiro Araújo na data 11/10/2018 12:33:49



PARLAMENTO DE GALICIA
REGISTRO XERAL ENTRADA
Data asento: 11/10/2018 12:35
Nº Rexistro: 38575
Data envío: 11/10/2018 12:35:16.440

Julia Torregrosa Sañudo na data 11/10/2018 12:33:59

José Manuel Lago Peñas na data 11/10/2018 12:34:09

Reunión da Comisión 8ª, Pesca e Marisqueo

Día: 16.11.2018

Hora: 10:30

Orde do día

1.5 39103(10/POC-006131)

Grupo Parlamentario do Bloque Nacionalista Galego

Prado Cores, María Montserrat e 5 máis

Sobre as demandas realizadas ou previstas pola Xunta de Galicia, diante da Comisión Europea e da Comisión de Pesca do Parlamento Europeo, en relación coa reforma do regulamento referido aos Fondos europeos do mar e da pesca, FEMP, e coa defensa da pesca artesanal galega, así como a súa opinión respecto das modificacións que se deben introducir

Publicación da iniciativa, 375, 24.10.2018



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REGISTRO XERAL ENTRADA
Data asento: 18/10/2018 17:06
Nº Rexistro: 39103
Data envío: 18/10/2018 17:06:44.193

Á Mesa do Parlamento

Montserrat Prado Cores, Luis Bará Torres, Ana Pontón Mondelo, Xosé Luis Rivas Cruz, Olalla Rodil Fernández e Noa Presas Bergantiños, deputadas e deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta oral na Comisión 8ª**, relativa ás medidas a tomar polo Goberno galego diante do novo regulamento dos fondos FEMP.

O Goberno galego está levando a cabo unha política pesqueira que ten como consecuencias a discriminación e prexuízo constante do sector. Para cambiar a situación debe pasar a defender unha posición galega propia para que se recoñeza o status de Galiza como Zona Altamente Dependente da Pesca no contexto da UE, que evite a discriminación da nosa frota na actual PPC, no acceso aos recursos, na negociación de novos acordos pesqueiros con terceiros países, que busque un incremento de cotas pesqueiras diante da UE, derrogar o Principio de Estabilidade Relativa, paralizar os despeses, impedir o abandeiramento noutros países, a prohibición de pescar determinadas especies, blindar os dereitos da pesca tradicional, evitar a concentración oligopolista, e defender que o reparto de cotas se basee en criterios socioeconómicos vinculados as comunidades costeiras.

Na actualidade está sendo debatido na Comisión de Pesca do Parlamento Europeo a proposta de reforma do Regulamento relativo aos Fondos Europeos do Mar e da Pesca, FEMP, polo que se derroga o regulamento (UE) nº 508/2014 do Parlamento Europeo e máis do Consello. De como quede finalmente este regulamento van depender



BLOQUE
NACIONALISTA
GALEGO

OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 18/10/2018 17:06
Nº Rexistro: 39103
Data envío: 18/10/2018 17:06:44.193

cuestións moi importantes para o sector pesqueiro galego, en especial para a baixura, para a pesca artesanal.

Por estas razóns fórmulanse as seguintes preguntas para resposta oral na Comisión 8ª:

-Que actuacións ten realizado o Goberno galego diante da Comisión Europea e a Comisión de Pesca do Parlamento Europeo para demandar modificación no Regulamento relativo aos Fondos Europeos do Mar e da Pesca, FEMP, para defender a pesca artesanal galega?

-Se non as ten realizado vai realizar algunha?

-Non lle parece importante solicitar o mantemento das contías dos fondos existentes, xa que a redución do volume orzamentario nunha nación pesqueira como a nosa tería un impacto negativo moi forte?

-Non considera preciso establecer que teña prioridade o aspecto social, ao igual que o económico e o medio ambiental?

-Non considera preciso modificar a definición de pesca costeira artesanal baseada na PPC 2014-2020, só na eslora de 12 metros máximos da embarcación) senón no uso de artes de pesca sustentábeis, na distancia a costa, na pesca de produto fresco, na propiedade da embarcación de tipo familiar ou micro empresa, na tradición pesqueira?



BLOQUE
NACIONALISTA
GALEGO

OFICINA PARLAMENTAR
Parlamento de Galicia

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REGISTRO XERAL ENTRADA
Data asento: 18/10/2018 17:06
Nº Rexistro: 39103

Data envío: 18/10/2018 17:06:44.193

-Non lle parece relevante incluír a diferenza entre acuicultura intensiva de acuicultura extensiva, incluíndo nesta última ao marisqueo a pé e a flote, así como a mitilicultura?

-Vai aproveitar a oportunidade para demandar a exclusión da pesca e flota artesanal de TACs e Cotas?

Santiago de Compostela, 18 de outubro de 2018

Asdo.: **Montserrat Prado Cores**

Luis Bará Torres

Noa Presas Bergantiños

Olalla Rodil Fernández

Xosé Luis Rivas Cruz

Ana Pontón Mondelo

Deputadas e deputados do G.P. do BNG

Asinado dixitalmente por:

María Montserrat Prado Cores na data 18/10/2018 17:01:57

Ana Pontón Mondelo na data 18/10/2018 17:02:02



BLOQUE
NACIONALISTA
GALEGO

OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 18/10/2018 17:06
Nº Rexistro: 39103

Data envío: 18/10/2018 17:06:44.193

Xose Luis Rivas Cruz na data 18/10/2018 17:02:03

Olalla Rodil Fernández na data 18/10/2018 17:02:05

Noa Presas Bergantiños na data 18/10/2018 17:02:06

Xosé Luis Bará Torres na data 18/10/2018 17:02:08

Reunión da Comisión 8ª, Pesca e Marisqueo

Día: 16.11.2018

Hora: 10:30

Orde do día

1.6 39183(10/POC-006145)

Grupo Parlamentario de En Marea

Torregrosa Sañudo, Julia e 2 máis

Sobre as actuacións previstas pola Xunta de Galicia para arranxar a situación de parálise na que se atopa o proxecto de ampliación do Colexio Xulio Camba, no concello de Vilanova de Arousa

Publicación da iniciativa, 378, 31.10.2018



Á MESA DO PARLAMENTO

Julia Torregrosa Sañudo, Carmen Santos Queiruga e Paula Quinteiro Araujo, deputadas pertencentes ao **Grupo Parlamentario de En Marea**, ao abeiro do disposto no artigo 156 do Regulamento da Cámara, presentan a seguinte **Pregunta** para a súa resposta oral na **Comisión 8.^a**

O colexio Xulio Camba do Concello de Vilanova leva demandando a ampliación do seu recinto máis dunha década. A petición vén motivada pola necesidade de adecuar o espazo ao incremento paulatino do alumnado e aos desdobramentos dos grupos, que precisan de varias aulas dispoñibles. Ademais, os pais e nais dos rapaces queren que a instalación conte cun comedor escolar que, na actualidade, non tería oco en ningures.

O proxecto de ampliación foi redactado xa no ano 2007, fai agora once anos, pero aínda non foi executado. O alcalde do Concello bóttalle a culpa da parálise a Costas del Estado, xa que o terreo no que se asenta o colexio lle pertence. Dende Vilanova, estívose negociando durante anos a desafección do lugar, pero sen ningún éxito.

A desafección dos terreos non só afectaría ao colexio Xulio Camba, tamén se atopan nel a praza e un pavillón de máis de 20.000 metros cadrados, polo que, para calquera arranxo ou nova edificación, lle teñen que pedir permiso a Costas del Estado.

Nunha situación semellante atópase a zona do cabo, que, sen ter nada que ver co porto, pertence a Portos de Galicia.



Así, o que observamos é que o pobo de Vilanova se atopa fragmentando e dividido entre tres administracións (portos, costas e concello), o que da lugar aos previsibles conflitos competenciais. Esta situación non é, nin moito menos, excepcional en Galicia, senón que afecta a moitos concellos costeiros.

Polo que respecta a En Marea, entendemos que estas zonas teñen que pasar a ser competencia municipal, xa que son os concellos os que están máis en contacto con elas e coas necesidades dos veciños e veciñas que os habitan no día a día.

Por todo o exposto as deputadas asinantes presenta a seguinte Pregunta para a súa resposta oral na **Comisión 8.ª**, pola Xunta de Galicia:

- Pensa facer algo a Xunta de Galicia para solucionar a situación na que se atopa atrancada o colexio Xulio Camba dende fai máis dunha década?
- Vaise manter ao marxe aínda que o colexio non poida facer fronte ao aumento continuado do alumnado?

Santiago de Compostela, 19 de outubro de 2018.

Asdo.: Julia Torregrosa Sañudo
Paula Quinteiro Araujo
Carmen Santos Queiruga
Deputadas do G.P. de En Marea

Asinado dixitalmente por:



PARLAMENTO DE GALICIA
REGISTRO XERAL ENTRADA
Data asento: 19/10/2018 13:07
Nº Rexistro: 39183
Data envío: 19/10/2018 13:07:14.505



Carmen Santos Queiruga na data 19/10/2018 13:05:46

Paula Quinteiro Araújo na data 19/10/2018 13:05:50

Julia Torregrosa Sañudo na data 19/10/2018 13:06:01

Reunión da Comisión 8ª, Pesca e Marisqueo

Día: 16.11.2018

Hora: 10:30

Orde do día

1.7 39385(10/POC-006178)

Grupo Parlamentario dos Socialistas de Galicia

Toja Suárez, María Dolores e Otero Rodríguez, Patricia

Sobre a valoración do Goberno galego en relación co nivel de utilización que presentan os contratos menores na contratación de obras por Portos de Galicia nos anos 2016 e 2017, as razóns da elección deste modelo de contratación e as previsións ao respecto

Publicación da iniciativa, 378, 31.10.2018



Á Mesa do Parlamento

María Dolores Toja Suárez e Patricia Otero Rodríguez, deputadas pertencentes ao Grupo Parlamentario dos Socialistas de Galicia, ao abeiro do disposto no artigo 152 do Regulamento da Cámara, presentan ante esa mesa a seguinte pregunta para a súa resposta oral na Comisión 8ª.

Son varias as ocasións nas que o Grupo Socialista bota en falta a transparencia do ente público Portos de Galicia, e unha das cuestións que nos causa grande preocupación provén dos datos que se extraen a partir das contas anuais dos últimos dous exercicios pechados do ente Portos de Galicia. Así, obtemos a seguinte información relativa á contratación:

	2017		2016	
TOTAL	5.708.283	100 %	8.832.282	100 %
Concurso	628.664	11 %	2.128.282	24 %
Procedemento negociado	289.948	5 %	165.000	2 %
Contratos menores	4.327.623	76 %	4.672.812	53 %
Certificacións	235.172	4 %	1.241.547	14 %
Emerxencias	226.876	4 %	624.668	7 %

Do total de obras podemos apreciar como para o caso de contratos menores no ano 2016 estes supoñían o 53 %, o cal era xa de por si un valor elevado. Pero no ano 2017 este valor incrementouse ata o 76 %, o que indica que 3 de cada 4 euros das obras que leva a cabo Portos de Galicia, faino a través de contratos menores. Unha porcentaxe demasiado alta que nos indica que existe unha predilección por esta modalidade de contratación que non debería estar xustificada en tan alta proporción. Cando esta debe ser a excepción, fronte o uso habitual. O que nos vén a reafirmar na necesidade de dotar de transparencia a xestión deste ente público da que hoxe parece carecer.

Por iso as deputadas que asinan formulan as seguintes preguntas:

1ª) Como valora o Goberno galego a elevada utilización dos contratos menores na contratación de obras por parte de Portos de Galicia?



2ª) Considera o Goberno galego que o 76 % das contratacións que se realizaron como contratos menores, obedecen a razóns de excepcionalidade?

3ª) Vai continuar utilizando de xeito maioritario os contratos menores que, dificilmente, deben estar xustificadas en tan alta proporción?

4ª) Que razóns xustifican o abuso tan desmesurado desa modalidade de contratación?

Pazo do Parlamento, 25 de outubro de 2018

Asinado dixitalmente por:

María Dolores Toja Suárez na data 25/10/2018 13:54:19

Patricia Vilán Lorenzo na data 25/10/2018 13:54:35